

**Kommuneqarfik Sermersuumi inoqutigiinnit
eqqakkanik annertuunik katersinermut**

MALITTARISASSAQ

SIULEQUT

Malittarisassami uani eqqakkanik annertuunik katersisarnermik kommunimit aaqjissuussamut aalajangersakkat aalajangersarneqarput.

Atuuffia

Malittarisassaq Ivittuunut aamma Kangilinnguanut atuutinngilaq. Ivittuuni Kangilinnguanilu igitalerineq eqqakkanillu peersisarneq Kalaallit Nunaanni sakkutooqarfiup Grønlands Kommandop aamma Ivittuut Kommuniata akornanni protokollit/suleqatigiinnissamik isumaqatigiissuteqarnikkut iluarsineqarpoq.

Siunertaq

Katersisarnermut aaqjissuussinermi Kommuneqarfik Sermersuumi innuttaasut eqqakkamik annertuut aatitarnissaannut periarfissinneqarnissaat siunertaavoq.

Erseqqissaaneq

Ilaatigut eqqakkat annertuut makkuupput:

- Poortuutit pappialat: soorlu ass. pappialarsuit maligaartut plastikkillu
- Poortuutit plastikkit: soorlu ass. reolit, nerriviit nalaasaarfiillu
- Illumi pigisat / pequtit: soorlu ass. cykkilinut atortut, kissarsuutit, nillartaartitsiviit, qerititsiviit barnevognillu
- Savimineq / saffiugassaq: soorlu ass. iggavimmi maskiinat, raatiuut, fjernsynit qarasaasiallu
- Elektronikinit igitat: soorlu ass. iggavimmi maskiinat, raatiuut, fjernsynit qarasaasiallu

Atuinissamut malittarisassiat

Kommuneqarfik Sermersuumi innuttaasut taamatut aaqqiineq piumagunik atorsinnaavaat imaluunniit tassunga taarsiullugu eqqakkat peerneqarnissaannut malittarisassami aalajangersakkat malillugit ikuallaavimmut, eqqakkanik tunniussisarfimmut eqqakkat annertuut namminneq tunniussinnaavaat.

Eqqakkanik annertuunik katersisarneq inuutissarsiortunit atorpeqarsinnaanngilaq sumiiffinnilu neqerooruteqarfiunngitsuni eqqakkat peerneqarnissaannut malittarisassami aalajangersakkat malillugit kommunip inner-suusnaanut tunniunneqartassapput

Piffissaq katersiffissaq

Katersiffissaq illoqarfimmiit illoqarfimmut assigiinngilaq.

Annertussuseq oqimaassusaallu

Eqqakkat immikkoortinneqarsimassapput. Annerpaamik 30 kg-nik oqimaassuseqarsinnaapput annerpaamilu 1x1x1 m-imik annertussuseqarsinnaallutik. Pequtit nillartaartitsiviit assigisaallu annerpaamik 45 kg-nik oqimaassuseqarsinnaapput 2 m-inillu takissuseqarsinnaallutik.

1. Siunertaq

- 1.1 Malittarisassap Kommuneqarfik Sermersuumi inoqutigiinnit eqqakkat annertuut peerneqarnerisa, avatangiisit illersorneqarnissaannik paasinnilluinnarneq malillugu imminut nammassinnaasumik tunngaveqartumik, pisarnissaata qulakkeerneqarnissaa siunertaraa.

Malittarisassami innuttaasunut illumillu piginnittunut pisussaaffiit pisinnaatitaanerillu aalajangersarneqarput.

2. Inatsisitigut tunngavik

- 2.1 Malittarisassaq una uku naapertorlugit suliarineqarpoq:

- Eqqakkat peerneqarnissaat pillugu Namminersornerullutik Oqartussat nalunaarutaat nr. 28, 17. september 1993-imeersoq
- Avatangiisit illersornissaat kingusinnerusukkut allannguutilik pillugu Inatsisartut peqqussutaat nr. 12, 22. december 1988-imeersoq

3. Atuuffia

- 3.1 Malittarisassaq una Kommuneqarfik Sermersuumi sumiiffinnut kommunimit pilersaaruserfigineqartuni illoqarfipu nunaqarfiullu killeqarfiisa iluini atuuppoq.
- 3.2 Malittarisassaq ineqarfinnut inoqutigiinnit najugaqarfigneqartunut Kommuneqarfik Sermersuumiit-tunut annertuunik igitaqarsinnaasunut atuuppoq.
- 3.3 Maliattarisassami illunit inoqutigiinniit eqqakkanik annertuunik katersineq pineqarpoq.

Eqqakkani annertuuni atortut kasiilernerqarsimasut anngajaat pineqarput, soorlu pequtit, poortuutinit angisuunit igitassat, qisuit igitassat, tæppit, nillataartitsiviit assigisaallu, cykkilit, kiassaait, ruujorit, asafiiit assigisaallu, iggavimmi maskinat, fjernsynit qarasaasiallu.

- 3.4 Atortussiaq pequlluunniit igitassanut annertuunut ilaanersoq nalornissutigineqarpat tamanna Kom-muneqarfik Sermersuumit aalajangerneqartassaaq.

4. Eqqakkanik pilersitsisup pisussaaffii

Atuinissamut pisussaaffik

- 4.1 Najugaqarfinni inoqutigiit Kommuneqarfik Sermersuumi eqqakkat peerneqarnissaannut malit-tarisassaq naapertorlugit eqqakkat annertuut peernissaat qulakkiissavaat. Eqqakkanik annertuunik katersisarneq arlalitsigut periarfissaliinertulli pisussaaffeqqangitsumik atornerqarsinnaasatut neqeroorutaavoq.

Inuutissarsiortuniit eqqakkanut annertuunut assingusut Kommuneqarfik Sermersuumi eqqakkat peer-neqarnissaannut malittarisassami aalajangersakkanut ilaapput.

Katersisarneq uninngatitsisarnerlu

- 4.2 Eqqakkanik annertuunik uninngatitsineq mingutsitsinissamut, ineqarfiusumi ineqarfinniluunniit allani eqqiluisaanginnissamut taamaalilluni uumasunik ajoqutaasinnaasunik uninngaarfingortitsisumik aallarniutaassanngilaq.
- 4.3 Igitassaatillip eqqakkat kingusinnerusukkut suliarineqarnissaannut, ikuallaavik imaluunniit allatut suliarinninneq pineqaraluarpalluunniit, pisariaqangitsumik ajornartorsiuteqartussaajunnaarlugit u-ninngatinnissaat qulakkiissavaa.
- 4.4 Aammattaaq eqqakkanik uninngatitsinermi atortut anorlertillugu teqqarsinnaasut, qimminit tuluk-kanillu siammartinneqarsinnaasut eqqaavinni matoqqasuni illulluunniit iluani uninngatinneqarnissat atuuppoq.

5. Eqqakkat annertuut peerneqarnerat

- 5.1 Eqqakkat annertuut aqqissuussineq una atorlugit katersorneqartut Kommuneqarfik Sermersuumi eqqakkanut malittarisassami malittarisassiat malillugit peerneqarnissaat kommunip qulakkiissavaa.

6. Eqqakkanik annertuunik katersisarneq

Kommunimi illoqarfinni assigiinngitsuni katersiffissatut piffissaliussat ilanngussaq 1-imi allassimapput.

Katersinissaq sap. akunnerinik arlalinnik sioqqullugu piffimmi tusagassiutitigut piffissaq aallerfiusussaq nalunaarutigineqartassaaq.

Eqqakkanik annertuunik immikkoortiterineq inissiinerlu

6.1 Najukkamiit eqqakkat annertuut aaneqarnerini immikkoortut makku ilanngunneqartassapput:

- Poortuutit pappialat: soorlu ass. pappialarsuit maligaartut plastikillu
- Poortuutit plastikkit:
- Illumi pigisat / pequtit: soorlu ass. reolit, nerriviit nalaasaarfiillu
- Savimineq / saffiugassaq: soorlu ass. cykkilinut atortut, kissarsuutit, nillartaartitsiviit, qerititsiviit barnevognillu
- Elektronikinit igitat: soorlu ass. iggavimmi maskiinat, raatiuut, fjernsynit qarasaasiallu

Eqqakkat eqqakkanut immikkoortunut qulaani taaneqartunut immikkoortissimassapput.

6.2 Eqqakkat soorlu pappialarsuit, pappialat plastikillu papkassini ammasuni, plastikpuusini akimut er-sittuni imaluunniit qilersimallutik tunniunneqartassapput.

Immikkoortut tamarmik annerpaamik 30 kg-nik oqimaassuseqarsinnaapput annerpaamillu 1x1x1 m-isut annertussuseqarsinnaallutik. Taamaattoq pequtit nillartaartitsiviit assigisaallu tamarmik immikkut annerpaamik 45-nik oqimaassuseqarsinnaapput annerpaamillu 2 m-isut takitigisinnaallutik.

6.3 Ullumi aallerfiusussami eqqakkat kingusinnerpaamik ullaakkut nal. 7.00 aqquserngup sinaanut ilineqarsimassapput.

6.7 Eqqakkat ima inissinneqassapput/uninngatinneqassapput eqqakkat anorimit, qimminit angalaanartunit tulukkanilluunniit siammartinneqarsinnaassanatik.

7. Akiliut

7.1 Aaqqiernerut aalajangersakkanut atatillugu aningaasartuutit matuneqarnissaannut akiliummik illumi piginnittut igitassaatilillu akiliinissaminnut pisussaapput.

7.2 Akiliutip annertussusissaa ukiumut ataasiarluni Kommunalbestyrelsemit aalajangerneqartassaaq, tassunga ilanngullugu eqqakkanik annertuunik katersinermut akiliut. Kommuneqarfik Sermersuumi Sanarfinermut Avatangiisinullu Ingerlatsiviup akiliutip annertussusaa piffimmi aviisitigut nalunaarutigissavaa. Akit allassimaffiani Kommuneqarfik Sermersuumi Sanarfinermut Avatangiisinullu Ingerlatsivimmu saaffiginnikkut imaluunniit kommunip nittartagaatigut piniarneqarsinnaasumi akit annertussusaat allassimassapput.

8. Nakkutilliineq

8.1 Inatsit malittarisassamilu uani aalajangersakkat malillugit Kommuneqarfik Sermersooq eqqakkanik uninngatitsinernik, katersinernik, tunniussinernik suliarineqarnerinillu nakkutilliisuussaaq.

8.2 Igitassaatilik kinaluunniit Kommuneqarfik Sermersuup nakkutilliisui kinaanerminnik uppernarsaareernerisigut ineqarfimmut isernissaannut akuersinissaminnut pisussaavoq.

8.3 Malittarisassami uani aalajangersakkat akerlianik arlaannik paasinnittoqassapput, Kommuneqarfik Sermersuup piffissaliussap iluani pissutsit malittarisassanut naapertuutitilerlugit iluarsineqarnissaannut peqqussuteqarsinnaavoq.

8.4 Pissutsit piffissaliussap iluani iluarsineqanngippata, Kommuneqarfik Sermersuup akisussaaffilimmut akiligassanngorlugit iliuusissat suliaritissinnaavai.

9. Naammagittaalliorneq

- 9.1 Inatsisartut peqqussutaanni nr. 12, 22. december 1988-imeersumi kingornatigut allannguuteqartumi kapitali 10-mi malittarisassat naapertorlugit, malittarisassami aalajangersakkat malillugit aalajangi-ussat aammalu taakku naapertorlugit aalajangiunneqarsimasut naammagittaalliutigineqarsinnaapput.
- 9.2 Kommunalbestyrelsip aalajangiussaani naammagittaalliutaasinnaasut Kalaallit Nunaanni Namminersorerullutik Oqartussanut, Avatangiisinut Pinngortitamullu Aqutsisoqarfik, Postboks 1614, 3900 Nuuk, ingerlatinneqarsinnaapput. Tamatuma kingorna Aqutsisoqarfiup naammagittaalliut avata-ngiisit illersorneqarnissaannut Inatsisartut naammagittaalliornermut ataatsimiititaliaanut ingerlateqqissavaa.
- 9.3 Ullormiit aalajangererup nalunaarutigineqarneraniit naammagittaalliorneq sap. akunneri arfinillit qaangiutsinnagit pissaaq. Naammagittaalliut naammagittaalliornermut ataatsimiititap aalajanger-nissaata tungaanut imaluunniit naammagittaalliornermut ataatsimiititap allamik aalajangiussa-qar-nissaata tungaanut uninngatinneqassaaq.

10. Unioqqutitsineq

- 10.1 Malittarisassami uani malittarisassanik unioqqutitsineq imaluunniit malittarisassaq una naapertor-lugu Kommuneqarfik Sermersuumit peqqussutaasut naalassimanngikkaanni, tamanna Eqqakkat peerneqarnissaat pillugu Namminersorerullutik Oqartussat nalunaarutaanni nr. 28, 17. september 1993-imeersumi § 25 malillugu akiliisitsinermik pillaatissiisoqarsinnaavoq.

11. Piginnaassuseqartitsineq

- 11.1 Kommuneqarfik Sermersuumi Ikaarsaariarnermi ataatsimiititap malittarisassamik uannga aalaja-ngiussinermigut Sanarfinermut Avatangiisinullu Ataatsimiititaliaq malittarisassami uani imm. 4-mi 5-imilu annertuallaanngitsunik allannguuteqartitsisinaaneranik piginnaassuseqartilerpaa.
- 11.2 Aammattaaq kommunalbestyrelsip Sanarfinermut Avatangiisinullu Ingerlatsivik malittarisassaq una malillugu aalajangiisarnissaanik piginnaassuseqartippaa.

12. Atuutilernera

- 12.1 Malittarisassap uuma atuutilerneranut atatillugu Nuup Kommuneani inoqutigiinnit nammineertunii-teqqakkanik annertuunik katersinermut malittarisassaq 22. april 2002-meersoq atorunnaarsinneqar-poq.
- 12.2 Malittarisassaq atuutilersinneqarpoq ulloq 1. januar 2009.
- 12.3 Taamaalilluni Kommuneqarfik Sermersuumi kommunalbestyrelsimit akuerineqarpoq ulloq 17. mar-si 2009.


Asii Chemnitz Narup
Borgmester


Niels Kreutzmann
Administrerende Direktør

ILANNGUSSAQ 1: Katersinissamut piffissat

A. Nuummi, Qeqertarsuatsiaani Kapisilinnilu katersuinissamut piffissat

Eqqakkat annertuut Nuup illoqarfiani minnerpaamik ukiumut ataasiarlutik aaneqartassapput.

Katersinissamut piffissaq sapaatit akunneri arlallit sioqqullugu sumiiffimmi tusagassiutinut nalunaarutigineqassaaq.

B. Paamiuni, Arsummi, Sermiligaami, Isortumi, Kulusumi, Tiniteqilaami, Kuummiuni Tasiilamilu katersinissamut piffissat

Eqqakkanik annertuunik piffissami aputeqanngiffiani qaammatit tamaasa ataasingorneq siulleq pisarpoq.

C. Ittoqqortoormiini katersinissamut piffissaq

Kommune Ittoqqortoormiini eqqakkanik annertuunik aallerneq ajorpoq. Eqqakkat Kommuneqarfik Sermersuumi eqqakkat peerneqartarnerannut malittarisassaq malillugu peerneqartassapput.